



Broj: 01-256/25
Vareš, 30.10. 2025. godine

Na osnovu člana 13. Zakona o principima lokalne samouprave („Službene novine Federacije BiH“, broj: 49/06 i 51/09), članova 32. i 35. Zakona o veterinarstvu FBiH („Službene novine Federacije BiH“, broj 46/00, 76/16 i 90/23), i člana 22. Statuta Općine Vareš- prečišćen tekst, broj:01-162/12 od 11.09.2012.godine, Zaključka Općinskog vijeća Vareš broj: 01-176/25 od 30.06.2025.godine, Općinsko vijeće Vareš na 10. sjednici održanoj 30.10. 2025. godine,
d o n o s i

ODLUKU
o osnivanju stočnog groblja na lokalitetu „Kota“, općina Vareš

I.OPĆE ODREDBE

Član 1.

Ovom Odlukom se osniva stočno groblje na lokalitetu „Kota“ na parceli k.č.1054/5 k.o Pogar, općina Vareš koje će se koristiti za ukopavanje lešina životinja uginulih uslijed pojave zaraznih bolesti i drugih proizvoda životinjskog porijekla.

Član 2.

U ovoj Odluci pojedini pojmovi imaju sljedeće značenje:

1.Životinjska lešina- uginula, mrtvorodena ili pobačena životinja ubijena u postupku sprečavanja, suzbijanja i iskorjenjivanja bolesti na određenom području ili nekoj populaciji.

2.Otpad životinjskog porijekla- je životinjski trup i sastavni dijelovi životinjskog tijela koji nisu namijenjeni ili nisu ispravni za ishranu ljudi i zdravstveno neispravni prehrambeni proizvodi životinjskog porijekla:

- a) konfiskat - organ i dijelovi trupla zaklanih životinja koji je veterinarsko-zdravstvenim pregledom ocijenjen zdravstveno neispravnim;
- b) sporedni nejestivi nusproizvodi klanja, rasijecanja i obrade - organi i tkiva zaklanih životinja koje ne ubrajamo u meso u širem smislu riječi;
- d) krv zaklanih životinja koja se ne upotrebljava za ljudsku prehranu ni za preradu u hemijskoj, farmaceutskoj i drugoj industriji;
- e) životinjski proizvodi koji nisu ispravni za ljudsku prehranu;
- f) otpad iz valionice;
- g) ostali otpad životinjskog porijekla.

3. Higijeničarska služba - služba koja stalno i sigurno obavlja skupljanje životinjskog otpada: redovno, stalno i sigurno skupljanje životinjskih lešina i otpada životinjskog porijekla s mjesta za prihvata, drugih mjesta nastajanja i njegova otprema u sabiralište ili neposredno na mjesto neškodljivog uništavanja;

4. Neškodljivo uklanjanje - propisani postupak neškodljivog uklanjanja lešina, konfiskata, određenih nejestivih nusproizvoda klanja, rasijecanja, obrade i prerade mesa, ribe, divljači, mlijeka, jaja, meda, prerada u proizvode namijenjene za ishranu životinja ili industrijsku upotrebu kada se iz veterinarsko-zdravstvenih razloga i radi zaštite zdravlja ljudi ne smiju ili se ne mogu iskoristiti daljom preradom, a što se obavlja u odobrenom objektu za neškodljivo uklanjanje (spaljivanje), zakopavanje u groblju za životinje ili jami grobnici;

5. Stočno groblje i jama grobnica- lokacija koja je određena za korištenje u svrhu ukopavanja lešina životinja i drugih proizvoda životinjskog porijekla, a ispunjava uslove propisane Pravilnikom o uslovima koje mora ispunjavati objekat i mjesto za sakupljanje i neškodljivo uništavanje životinjske lešine, konfiskata i proizvoda životinjskog porijekla namijenjenog utilizaciji i prijevozno sredstvo namijenjeno za njihovo sakupljanje i prijevoz („Službene novine Federacije BiH“, broj: 3/19).

II.OSNIVANJE STOČNOG GROBLJA I KAFILERIJSKE DJELATNOSTI

Član 3.

Općina Vareš osniva stočno groblje na lokalitetu „Kota“, s lijeve strane od ulaza na deponiju, na dijelu zemljišta označenog kao k.č. 1054/5 k.o. Pogar, općina Vareš.

Član 4.

Poslove neškodljivog uklanjanja životinjskih lešina i ukop u stočno groblje na području općine Vareš obavlja Javno komunalno preduzeće d.o.o. Vareš.

Član 5.

Vlasnik ili imalac životinje kao i drugi građani koji zapaze leš uginule životinje dužni su prijaviti uginuće životinje JP Veterinarskoj stanici d.o.o. Vareš i predati trup uginule životinje organizaciji koja je registrovana za obavljanje kafilerijskih djelatnosti, tj. Javnom komunalnom preduzeću d.o.o. Vareš.

Član 6.

Ukoliko je životinja uginula uslijed zarazne bolesti, ili uslijed bilo kojeg drugog razloga, neophodno je utvrditi uzrok uginuća. Uzrok uginuća utvrđuje JP Veterinarska stanica d.o.o. Vareš ili veterinarska inspekcija.

Član 7.

Ukoliko je životinja uginula, zaklana ili eutanizirana uslijed pojave zarazne bolesti radi provedene naređene mjere, kao i za oštećene ili uništene predmete zbog provođenja naređenih mjera, držatelj životinje odnosno vlasnik predmeta ima pravo na naknadu u visini tržišne cijene, na dan izvršenja mjere.

Član 8.

Vlasnik životinje koja je neškodljivo uklonjena u postupku provođenja mjera za suzbijanje i iskorjenjivanje zaraznih bolesti od posebnog interesa za Federaciju Bosne i Hercegovine (u daljem tekstu: Federacija) i zoonoza, ima pravo na nadoknadu štete ako je:

- a) bez odgađanja prijavio sumnju na zaraznu bolest životinje, najbližoj veterinarskoj organizaciji;
- b) obavio propisano preventivno vakcinisanje u određenim vremenskim periodima, kao i dijagnostičko i drugo ispitivanje životinja;
- c) obavio propisano obilježavanje životinja.

Član 9.

Troškove eutanazije životinje i dezinfekcije dvorišta, obora i staja snosi kantonalno ministarstvo.

Član 10.

Troškove nastale ukopavanjem ili spaljivanjem neškodljivo uklonjenih seropozitivnih životinja snosi kantonalno ministarstvo i općina.

Član 11.

Zakopavanje leševa životinja obavezno se vrši u jamu određene dubine određene posebnim propisima, uz prethodnu dezinfekciju leša, a poslije zatrpavanja vrši se dezinfekcija površine jame.

III. FINANSIRANJE IZGRADNJE STOČNOG GROBLJA

Član 12.

Izgradnja stočnog groblja finansirati će se iz:

- budžeta Općine Vareš,
- budžeta viših nivoa vlasti (kanton, federacija).

IV. PROVOĐENJE I NADZOR

Član 13.

Provođenje odredbi ove Odluke vrše Službe za upravu općine Vareš, JP Veterinarska stanica d.o.o. Vareš, a inspekcijski nadzor veterinarska inspekcija, svako u okviru svoje nadležnosti.

V. PRIJELAZNE I ZAVRŠNE ODREDBE

Član 14.

Stočno groblje će se isključivo koristiti za ukop leševa životinja uginulih uslijed pojave zaraznih bolesti i odlaganje animalnog otpada sa prostora općine Vareš.

Član 15.

Ova Odluka stupa na snagu osmog dana od dana objavljivanja na oglasnoj tabli Općine Vareš, a primjenjivati će se od dana donošenja Pravilnika o uslovima i načinu ukopa uginulih životinja i animalnog otpada na stočnom groblju Općine Vareš.



**PREDSJEDAVAJUĆI
OPĆINSKOG VIJEĆA**
(signature)
Malik Rizvanović

Odluka objavljena na oglasnoj tabli Općine Vareš 31.10. 2025.godine.



OPĆINSKI NAČELNIK
(signature)
Zdravko Marošević

